


Todos os 8 de marzo, Día Internacional da Muller, vimos desenvolvendo diferentes actividades de concienciación e sensibilización no eido da igualdade de xénero.

Unha destas actividades é o Maratón Fotográfico. Son xa dez anos os que levamos empregando a fotografía como unha ferramenta que permita levar a cabo unha reflexión sobre as desigualdades de xénero e que favoreza, a través da observación e a creatividade, a visibilización destas desigualdades provocando así un cambio de actitude en toda a sociedade.

Para que se produza un cambio real, efectivo e non meramente formal, é precisa a implicación de todas e todos, por iso dende a Área de Igualdade - CIM, invitamos a todas as persoas que gocen coa fotografía e que queiran aportar o seu grao de area na loita pola igualdade a que participen nesta actividade.




8M
DÍA INTERNACIONAL
DA MULLER



MARATÓN FOTOGRAFICO

10 ANIVERSARIO

A IGUALDADE DE XÉNERO EN RELACIÓN AO MUNDO DO TRABALLO



+ Info

Área de Igualdade - CIM
Praza de Ravella, 1 - baixo
muller@vilagarcia.es
www.vilagarcia.es



SÁB 3 MARZO '18
[10.30-19.00H]

Saída:
Ás 10.30h dende o Auditorio.
Prazo de inscrición:
Ata o 27 de febreiro de 2018.

Á R E A D E I G U A L D A D E - C I M

REQUISITOS DOS PARTICIPANTES:

Ser afeccionado á fotografía. Non poderán participar profesionais.

TEMÁTICA:

A IGUALDADE DE XÉNERO.

Este tema concretarase en tres propostas, que se entregarán ao inicio do Maratón e máis nos controis que se efectúen.

INSCRICIÓN:

A inscrición realizarase por medio de solicitude, persoalmente na Área de Igualdade-CIM, ubicada na planta baixa da Casa do Concello, ou enviando por correo electrónico a muller@vilagarcia.gal a folla, que estará dispoñible no portal municipal, www.vilagarcia.gal. Tamén se poderá enviar ao nº de fax 986 512 226. O prazo de inscrición está aberto ata o 27 de febreiro de 2018.

COMO PARTICIPAR:

As fotos entregaranse en arquivo JPEG, poderán ser en color e/ou en branco e negro. O tamaño mínimo de 20x30 cm. Non poderán incluír bordos, marcas de auga, sinaturas ou elementos similares. Permítese o uso de axustes dixitais mínimos (luminosidade, contraste, ton, enfoque, balance de brancos). Non se poderán engadir ou eliminar elementos que modifiquen a composición orixinal. A organización reservarase a posibilidade de esixir a presentación do arquivo orixinal (raw, jpg...) para comprobar a edición da fotografía presentada a concurso. É responsabilidade das persoas concursantes que non existan dereitos de terceiros sobre as obras presentadas. Ao remate do maratón entregaráselle a cada participante un soporte dixital onde gardarán as fotos a concurso para o que se lles facilitará o acceso aos ordenadores. Logo disto, o soporte será introducido por cada un/unha dos/das participantes nun sobre pechado no que deberá figurar o número de identificación que se lles asignou ao comezo do maratón.

NORMAS E DESENVOLVEMENTO DA MARATÓN:

SAÍDA: Ás 10,30 horas do día 4 de marzo dende o Auditorio Municipal. Neste momento elixiranse os tres temas obxecto das fotografías entre varios sobres pechados con distintas propostas e faráselle entrega a cada participante do seu número de identificación, que deberá conservar en todo momento. Na saída darase información dos temas elixidos ata o seguinte control, que será na Casa de Cultura de Vilaxoán, ás 14.00h.

TEMAS E CONTROIS: As persoas participantes terán que facer fotografías sobre as tres propostas elixidas, enmarcadas todas no tema da igualdade de xénero e o traballo das mulleres. Todas as fotografías deberanse realizar nos límites xeográficos do Concello de Vilagarcía. As/os participantes terán que pasar os controis nos lugares e horas sinalados pola organización, quedando descualificados aqueles que non pasen polos mesmos no horario definido.

RECOLLIDA DAS FOTOS E FINAL DO MARATÓN: As persoas participantes deberán acudir ao derradeiro control, no Auditorio Municipal, entre as 18,30 e 19,00 horas, onde poderán proceder á descarga das fotos ao soporte dixital que lles será facilitado pola organización. Cada unha das fotos que se presenten terá que ir identificada cun título. Soamente serán válidas as realizadas durante o Maratón e que sexan entregadas nos soportes facilitados pola organización.

PREMIOS:

Haberá tres premios, un por cada un dos temas propostos e terán unha contía individual de 200,00 euros. Aos mesmos se lles aplicará a lexislación vixente respecto das retencións fiscais.

XURADO:

Será o encargado de seleccionar e valorar as fotografías presentadas. Estará composto por: Presidenta: Concelleira de Política de Igualdade, Tania García Sanmartín; Vocais: tres persoas relacionadas co mundo da fotografía, da imaxe, a comunicación... e unha polo Consello Local da Muller; Secretaria/o: persoal técnico con voz pero sen voto, encargado de levantar a acta da deliberación do premio. A decisión do xurado será inapelable.

ENTREGA DE PREMIOS E EXPOSICIÓN:

O veredicto do xurado e a entrega de premios terá lugar no Auditorio de Vilagarcía o día 16 de marzo, día no que terá lugar a inauguración dunha exposición coas fotografías premiadas e mailas seleccionadas polo xurado polo seu interese e creatividade.

NORMAS DO MARATÓN:

Poderán participar todas as persoas previamente inscritas na Área de Igualdade segundo as normas destas bases. Deberán acreditar a súa identidade no control de saída do Maratón co DNI, ou documento oficial equivalente. As obras presentadas quedarán en propiedade do Concello de Vilagarcía. O/A autor/a das fotografías conservará a súa propiedade intelectual, aínda que cederá en exclusiva e irrevogablemente os dereitos de reprodución para a súa exposición, publicación ou calquera modalidade que o Concello considere oportuna relacionada cos obxectivos do Maratón.

Serán descualificadas aquelas persoas que non acudan aos controis no tramo horario determinado para cada un deles, así como as que incumpran algunha das normas reflectidas nestas bases.

Durante o transcurso do Maratón haberá un comité organizador facultado para resolver as dúbidas ou circunstancias especiais que puideran xurdir, así como para a interpretación destas bases. A súa decisión terá carácter definitivo.

A participación no Maratón supón a plena aceptación destas bases.

Aclaración de dúbidas: Área de Igualdade - CIM

T 986 099 200 ext. 102/109. Horario: 08.00-15.00h

Praza de Ravella, nº1, 36600 - Vilagarcía de Arousa - Pontevedra
muller@vilagarcia.gal